

Na osnovu člana 29. stav (1) Uredbe sa zakonskom snagom o ustanovama („Sl. list RBiH“ broj: 6/92, 8/93 i 13/94), člana 7. stav (1) i člana 8. stav (1) i (2) Zakona o ministarskim, vladinim i drugim imenovanjima Federacije Bosne i Hercegovine (“Službene novine F BiH” broj: 12/03, 34/03 i 65/13), člana 37. i 38. Zakona o pozorišnoj djelatnosti ZDK (“Službene novine ZDK”, broj: 4/16), članova 62., 63., 64., 65. i 67. Pravila Javne ustanove Bosansko narodno pozorište Zenica (broj: 266/23 i 850/23), Odluke Upravnog odbora Javne ustanove Bosansko narodno pozorište Zenica (UO JU BNP Zenica) broj: 1248/23 od 27. 12. 2023. godine, UO JU BNP Zenica raspisuje

## **JAVNI KONKURS**

za izbor i imenovanje direktora  
Javne ustanove „Bosansko narodno pozorište Zenica“

### **1. OPIS POZICIJE DIREKTORA**

- a) zastupa i predstavlja Pozorište,
- b) organizuje i provodi umjetničku, programsku, poslovnu i kadrovsku politiku Pozorišta,
- c) odgovoran je za zakonitost rada Pozorišta i
- d) vrši i druge poslove u skladu sa Pravilima Pozorišta i Zakonom o pozorišnoj djelatnosti ZDK.
  - skladu sa članom 40. Zakona o pozorišnoj djelatnosti ZDK, direktor Pozorišta za vrijeme trajanja mandata ne može obavljati pozorišne i umjetničke poslove u drugim pozorištima u zemlji i inostranstvu.
  - Direktor Pozorišta imenuje se na mandatni period od četiri (4) godine.

1.1. Osnovna neto plaća direktora iznosi = **1.267,73 KM**.

### **2. USLOVI ZA IZBOR I IMENOVANJE**

**Opći uslovi su:**

- 1) da je državljanin Bosne i Hercegovine,
- 2) da je stariji od 18 godina,
- 3) da je zdravstveno sposoban za obavljanje dužnosti direktora Pozorišta,
- 4) da nije osuđivan za krivično djelo i privredni prestup nespojiv sa dužnošću direktora,
- 5) da se protiv njega ne vodi krivični postupak,
- 6) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri (3) godine od dana objavljivanja upražnjene pozicije,
- 7) da nije pod optužnicom Međunarodnog suda za ratne zločine u bivšoj Jugoslaviji (član IX 1. Ustava Bosne i Hercegovine),
- 8) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH ili drugog sličnog važećeg propisa u BiH, odnosno drugog odgovarajućeg propisa,
- 9) da nije izabrani zvaničnik, nosilac izvršne funkcije ili savjetnik u smislu odredbi Zakona o sukobu interesa u organima vlasti u Federaciji BiH ili drugog odgovarajućeg važećeg propisa u BiH i
- 10) da nema privatni/finansijski interes u ustanovi u kojoj se kandiduje.

#### **a) Pored općih uslova, kandidat koji konkuriše za direktora, u skladu sa Zakonom i Pravilima, mora ispunjavati i posebne uslove:**

- 1) visoka stručna sprema (VSS - VII stepen stručne spreme), odnosno visoko obrazovanje prvog (240 ECTS bodova), drugog ili trećeg ciklusa studija (*bolonjski* sistem školovanja) humanističkog, društvenog usmjerenja, odnosno iz oblasti umjetnosti,
- 2) najmanje pet (5) godina radnog staža nakon završenog studija,
- 3) ostvareni i dokazani rezultati rada u oblasti kulturnog i umjetničkog stvaralaštva i menadžmenta, kako u teoriji tako i u praksi,
- 4) najmanje tri (3) godine iskustva na rukovodećim poslovima,
- 5) da može kreirati umjetnički program, organizovati poslovanje i doprinijeti razvoju Pozorišta,
- 6) predložen okvirni četverogodišnji Program rada Pozorišta koji podrazumijeva:
  - a) Plan poslovnih i programskih aktivnosti i
  - b) Okvirni finansijski i kadrovski plan njegovog ostvarivanja,
- 7) poznavanje engleskog jezika.

### **3. SADRŽAJ PRIJAVE**

**Kandidati, uz potpisanu prijavu sa kontakt informacijama (adresa, broj telefona i e-mail adresa), na Konkurs trebaju dostaviti dokumentaciju u originalu ili ovjerenju fotokopiji, kako slijedi:**

- 1) pregledna profesionalna biografija u kojoj navode svi podaci koji potvrđuju ispunjavanje posebnih uslova,
- 2) diploma o završenom stepenu obrazovanja,
- 3) uvjerenje/potvrda o radnom stažu (original),
- 4) uvjerenje o državljanstvu - ne starije od šest (6) mjeseci od dana objavljivanja Konkursa,
- 5) uvjerenje/potvrdu o prethodnom iskustvu na rukovodećim poslovima iz koje se može utvrditi radno mjesto, tražena stručna sprema za radno mjesto i dužina radnog iskustva (original),
- 6) izjavu ovjerenju od nadležnog organa o činjenicama nabrojanim u tačkama 6) do 10) iz člana 2.a. Konkursa;
- 7) drugi dokumenti kojima se dokazuju rezultati rada ostvareni u oblasti kulturnog i umjetničkog stvaralaštva i menadžmenta,
- 8) okvirni četverogodišnji Program rada Pozorišta koji podrazumijeva:
  - a. Plan poslovnih i programskih aktivnosti i
  - b. Okvirni finansijski i kadrovski plan njegovog ostvarivanja i
- 9) Potvrda/uvjerenje/certifikat i drugi dokument kao dokaz o poznavanju engleskog jezika.

### **4. NAPOMENE**

**Kandidat koji bude imenovan za direktora dužan je dostaviti:**

- ljekarsko uvjerenje kao dokaz da njegovo zdravstveno stanje i psihofizičke sposobnosti odgovaraju uslovima pozicije,
- uvjerenje o nekažnjavanju ili uvjerenje da fizičko lice nije osuđivano za krivično djelo ili privredni prijestup (ne starije od 6 mjeseci) i
- uvjerenje da se protiv njega ne vodi krivični postupak (ne starije od 6 mjeseci).

Nepotpune, neuredne i neblagovremene prijave neće biti uzete u razmatranje.

Kandidati koji ispunjavaju uslove Konkursa biće blagovremeno obaviješteni o mjestu i vremenu obavljanja intervjua. Kandidati su dužni ukratko prezentovati predloženi Program rada Pozorišta.

Konkurs se objavljuje u dnevnom listu "Oslobođenje" Sarajevo, "Službenim novinama FBiH", na internetskim stranicama JU BNP Zenica ([www.bnp.ba](http://www.bnp.ba)), Grada Zenica ([www.zenica.ba](http://www.zenica.ba)) i JU Služba za zapošljavanje ZDK ([www.zdk-szz.ba](http://www.zdk-szz.ba)), te na oglasnim pločama JU BNP Zenica i JU Služba za zapošljavanje ZDK - Biro rada Zenica.

Konkurs ostaje otvoren **petnaest (15) dana** od dana njegovog posljednjeg objavljivanja. Informacija o datumima objavljivanja Konkursa u pojedinim glasilima će biti dostupna na internetskoj stranici JU BNP Zenica.

Po okončanju konkursne procedure, dokumentacija priložena uz prijavu neće se vraćati kandidatima, osim na osnovu pismenog zahtjeva kandidata.

Prijavu na Konkurs, sa traženim dokumentima, dostaviti lično ili poštom preporučeno na adresu:

**Javna ustanova Bosansko narodno pozorište Zenica  
UPRAVNI ODBOR  
Trg Bosne i Hercegovine broj 3 - Kancelarija br. 5  
72000 Zenica**

sa naznakom: "Prijava na Javni konkurs za izbor i imenovanje direktora - *ne otvarati*"